

Pa cualkier evento

*Cumpleaños - Casamento - Bautismo - Baby Shower -
of otro actividad social yama*




Tel: 582-7800

**NOS ta cubri
BO evento
Gratis..**



Vi Marten ta na cabes di directiva nobo pa ASOMA



ORANJESTAD – Elvy 'Vi' Marten, den su posicion como presidente nobo y atraves di un comunicado di prensa ta participa na e miembrecia di Asociacion di Musica di Aruba cu dia 16 di mei 2005, un directiva nobo a wordo eligi. Vice President ta Reynaldo Sprott, Suzan Kelly ta Secretaria, Roberto Maduro ta Tesorero, Luigi Rasmijn ta di dos tesorero y como comisario tin glen Mardenbourogh. Mester bisa cu a keda un luga



habri ainda pa un miembro mas den e posicion di e dos secretario. E directiva aki tin dos consehero cu ta Robert Jeando'r cu ta fungi tambe como bosero oficial, hunto cu Andres Rasmijn y Benny Vrolijk.

Hopi di e miembronan di ASOMA ta na altura caba di e cambio, pero, no a duna e informacion aki mas tempran como cu internamente tin algun asuntonan pendiente ainda cu mester wordo regla prome cu e traspaso oficial tuma luga. A corto plaso un

reunion general lo wordo yama, y tambe lo ser efectua un rueda di prensa, pa asina lo por informa e miembronan den extenso.

Tambe ASOMA ta pone na conocimiento di su miembronan cu dia 19 di mei 2005 pa 10'or di mainta, esta ayera, Directiva di ASOMA tabatin un reunion di sumo importancia cu Parlamento di Aruba regardando e 'Concept Beleidsnota Buitenlandse Evenementen' y e rapport di adaptacion di leinan cu ta concerni 'Derecho di Autor.'